

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 268975 25 St  
Zenica, 21.08.2026. godine

Općinski sud u Zenici, stečajna sutkinja Sanja Pavlić, u stečajnom postupku nad društvom Nova Željezara Zenica, d.o.o., ul. Bulevar Kralja Tvrtka I broj 17., Zenica, odlučujući o nagradi za rad stečajnog upravitelja Hadžirašidović Jasmina, donio je 21.08.2026. godine, slijedeće:

### R J E Š E N J E

Stečajnom upravitelju Hadžirašidović Jasminu određuje se mjesečni iznos nagrade u visini tri prosječne bruto plaće u Federaciji Bosne i Hercegovine, za posljednja tri mjeseca, s tim da ukupan zbir mjesečnih iznosa nagrada nije veći od ukupnog iznosa nagrade propisane Pravilnikom.

### O b r a z l o ž e n j e

Rješenjem ovog suda broj: 43 0 St 268975 25 St od 12.08.2026. godine za stečajnog upravitelja u stečajnom postupku nad društvom Nova Željezara Zenica, d.o.o., ul. Bulevar Kralja Tvrtka I broj 17., Zenica, imenovan je Jasmin Hadžirašidović sa liste stečajnih upravitelja.

Prijedlogom od 13.08.2026. godine stečajni upravitelj je predložio da sud primjenom člana 4. Pravilnika o naknadama i nagradama za rad stečajnog upravitelja i članova odbora povjeritelja, odredi nagradu stečajnom upravitelju kroz mjesečne iznose za svaki mjesec angažmana, imajući u vidu da su ispunjeni uvjeti iz čl. 4. stav 1 i 3, Pravilnika, kada poslovne aktivnosti nisu u cijelosti obustavljene, s obzirom da se radi o velikom industrijskom sistemu, sa imovinom značajne vrijednosti i različite strukture, velikim brojem sredstava i zaliha, industrijskim postrojenjima i infrastrukturuom, kao i brojnim poslovnim i pravnim odnosima koji zahtijevaju kontinuirano i neposredno postupanje stečajnog upravitelja.

Stečajni upravitelj ima pravo na nagradu i naknadu prema odredbi čl. 77. stav 4. Zakona o stečaju („Sl. Novine F BiH“ broj: 53/2021 i 19/2025), pa je sud imajući u vidu da poslovne aktivnosti nisu u cijelosti obustavljene, s obzirom da se radi o velikom industrijskom sistemu, sa imovinom značajne vrijednosti i različite strukture, velikim brojem sredstava i zaliha, industrijskim postrojenjima i infrastrukturuom, kao i brojnim poslovnim i pravnim odnosima koji zahtijevaju kontinuirano i neposredno postupanje stečajnog upravitelja, odlučio stečajnom upravitelju odrediti nagradu navedenu u izreci ovog rješenja, a sve u skladu sa odredbom čl. 4. stav 1, 3 i 4, Pravilnika o naknadama i nagradama za rad stečajnog upravitelja i članova odbora povjeritelja („Sl. Novine F BiH“ br. 4/2022).

Stečajna sutkinja  
Sanja Pavlić

Pouka o pravnom lijeku :  
Protiv ovog rješenja žalba nije dozvoljena